

## Taglia cantunala e taglia federala directa 2018 dallas persungas naturalas

### 1. D'inoltrar ena declaraziun da taglia èn oblieidas

persungas naturalas sch'ellas:

- a) on lour domicil u lour dimora da dretg fiscal aint igl cantun. Ena persunga ò la dimora da dretg fiscal, sch'ella resta, malgro interrupziuns temporaras,
  - durant aglmanc 30 deis e lavoura an Svizra;
  - durant aglmanc 90 deis sainza avoir ena lavour an Svizra.
- b) èn purtaders, partenaris u galdeiders da menaschis commercials aint igl cantun Grischun;
- c) on en luvratori aint igl cantun;
- d) èn possessours, on en dretg da gioldamaint u dretgs sumigliants ve da schaschant aint igl cantun;
- e) fon commers u intermedieschans schaschant aint igl cantun;
- f) practitgeschan en'actividad persunala aint igl cantun e survignan per chegl ena indemnizaziun.

### 2. Termin per inoltrar la declaraziun da taglia

Per inoltrar la declaraziun da taglia èn da risguardar igls suandonts termins:

**31 da mars 2019** per persungas cun actividad da gudogn dependenta, scolars e students maiorens, pensiunos, disoccupos.

**30 da settember 2019** per persungas cun actividad da gudogn independenta, societads simplas e persungas domicilieidas ordvart igl cantun cun interpresas aint igl Grischun.

**30 da settember 2019** per persungas domicilieidas ordvart igl cantun cun immobiglias aint igl cantun Grischun (obligaziun limitada da paer taglia).

### 3. Li per inoltrar la declaraziun da taglia

La declaraziun da taglia è d'inoltrar **all'administraziun da taglia cantunala cun l'adressa suandonta:**

Administraziun cantunala da taglia GR  
Center d'elavuraziun 1/CU  
Steinbruchstrasse 18  
7001 Cuira

### 4. Prolungaziun digl termin

Las dumondas per prolungaziun digl termin on da neir inoltradas avant la scadenza digl termin d'inoltraziun centralmaintg a la

Administraziun cantunala da taglia GR  
Center d'elavuraziun 2/CU  
Steinbruchstrasse 18  
7001 Cuira  
fristgesuche@stv.gr.ch

Las dumondas da prolungar igl termin èn d'inoltrar cun las indicaziuns suandontas: numer cumplet digl register (incl. numer digl cumejn), nom, prenom e cumejn da domicil.

Las dumondas da prolungar igl termin pon neir inoltradas online, per e-mail u an scretg.  
ONLINE: [www.stv.gr.ch](http://www.stv.gr.ch)

Igls termins concedias na vignan betg confirmos e da prancepi na pon els betg neir prolungos. An cass singuls e mutivos pò excepziunalmentg neir dumando en ulterior termin.

5. Schi la declaraziun da taglia n'è betg neida consignaida na dispensescha chegl betg dall'obligaziun d'inoltrar la declaraziun da taglia ainfer igl termin menziuno soura (art. 127 LT). Tgi tgi n'ò betg survagnia igls formulars pò pretender chels da tot taimp dall'administraziun da taglia communal u dall'administraziun da taglia cantunala a Coira.

6. Conjugals sottascreiven comunablamaintg la declaraziun da taglia

Conjugals tgi veivan giuridicamaintg ed efectivamaintg an ena lètg nunseparada èn sottamess comunablamaintg alla taglia. Las antradas e la facultad vignan summadas sainza risguardar igl stadi digls bagn. Tots dus conjugals èn da madema posiziun an la procedura e sottascreivan comunablamaintg la declaraziun da taglia.

Schi la declaraziun da taglia è neida sottascretga sulettamaintg d'en conjugal, survign l'oter conjugal en termin. Siva la scadenza da chest termin vigna supponeida la represchentaziun cun contract tranter igls conjugals (art. 123a LT, art. 131 al. 2 LTFD).

Per la declaraziun da taglia 2018 vala scu termin general da rectificaziun dalla sottascripziun digl conjugal igls 30 d'avregl 2019; per declaraziuns da taglia tgi vignan inoltradas pi tard vigna concedia en termin da rectificaziun dalla sottascripziun da 20 deis.